



**BASES DA CONVOCATORIA PARA A SELECCIÓN DE ESTUDANTES DE CICLOS FORMATIVOS DE
GRAO MEDIOS E SUPERIORES PARA A SÚA PARTICIPACIÓN DENTRO DO PROGRAMA ERASMUS+
CURSO 2022-2023**

Primeira. Obxecto

O IES Ramón Menéndez Pidal, convoca o proceso selectivo para asignar bolsas de mobilidade dentro do Programa Erasmus+, destinadas a estudantes de ciclos formativos, para realizar a Formación en Centros de Traballo (FCT) no estranxeiro.

Estas bolsas están destinadas a estudantes de ciclos formativos de grao medio e superior, que teñan previsto realizar a FCT no 2023.

O obxectivo deste programa é promover a aprendizaxe e a formación de estudantes en Europa, así como o coñecemento do idioma e a cultura doutros países, mediante a concesión de bolsas para a realización da FCT en empresas da Unión Europea.

A duración da mobilidade será de aproximadamente 10/11 semanas, en función das horas do módulo de FCT de cada ciclo formativo.

Segunda. Requisitos para participar

1. Ser alumno/a do IES Ramón Menéndez Pidal no curso 2022-2023.
2. Estar cursando 2º ano do ciclo formativo de grao medio de Actividades Comerciais ou 2º do ciclo superior de Xestión de Vendas e Espazos Comerciais ou 2º do ciclo superior de Comercio Internacional e ter previsto realizar a FCT nos seguintes períodos:

- De marzo a xuño do 2023 (ciclos medios e superiores)

Terceira. Contía das bolsas

A contía destinada a financiar os gastos da mobilidade será unha cantidade fixa calculada sobre a base de importes establecidos polo Servizo Español para a Internacionalización da Educación (SEPIE). Esta axuda vai destinada a colaborar nos gastos de manutención, viaxes, aloxamento, empresa intermediaria (se fose preciso), seguros e demais gastos. É posible que a persoa beneficiaria teña que adiantar parte desta contía.

Cuarta. Información sobre as solicitudes

Realizarase unha sesión informativa no salón de actos do centro:

- **O mércores 23 de novembro**

Para a inscrición, o alumnado interesado cubrirá un formulario que lle será entregado e enviará o DNI escaneado e a documentación acreditativa (Certificación OFICIAL) de coñecemento de idiomas que poidan aportar.

O correo de programas europeos para calquera aclaración é: proxectoseuropeos@zalaeta.gal





Quinta. Adjudicación das prazas e publicidade do proceso de selección

Unha vez feita a baremación das persoas participantes de acordo cos criterios de valoración, publicarase unha listaxe provisional de alumnado seleccionado e unha listaxe de reserva para cubrir eventuais renuncias. Os solicitantes terán un prazo de cinco días naturais, contados a partir da publicación da listaxe provisional, para a presentación de reclamacións.

Rematado o prazo de reclamacións, publicarase unha listaxe definitiva de solicitantes seleccionados e en reserva.

A publicidade dos actos do proceso de selección, así como as comunicacións procedentes, realizaranse mediante a publicación na web do centro <https://www.edu.xunta.gal/centros/iesmenendezpidal/>, no apartado correspondente a [Proxectos Internacionais](#).

A continuación farase a asignación de prazas, en función da dispoñibilidade de empresas e as puntuacións acadadas polos solicitantes.

A realización da mobilidade e o destino final sempre estará condicionada á existencia de empresas adecuadas ao perfil profesional e académico do alumnado seleccionado e á situación sanitaria. A data límite para ter asignada praza e empresa no país de acollida é o 15 de marzo de 2023.

Sexta. Criterios de selección

Para a selección dos solicitantes nas mobilidades establécense os seguintes criterios:

1. Expediente académico (máximo 4 puntos). Terase en conta a nota media obtida polo/a estudante no primeiro curso do ciclo formativo.

Se a nota media é de 6 ou menos: 2 puntos.

Se a nota media é de máis de 6 e menos de 8: 3 puntos.

Se a nota media é de 8 ou máis: 4 puntos.

2. Competencias lingüísticas no idioma do país de acollida ou idioma de traballo (máximo 4 puntos). Terase en conta a nota media obtida polo/a estudante no módulo de inglés no primeiro curso do ciclo formativo.

Se a nota media é de 6 ou menos: 2 puntos.

Se a nota media é de máis de 6 e menos de 8: 3 puntos.

Se a nota media é de 8 ou máis: 4 puntos.

3. Competencias persoais e actitudes (máximo 4 puntos).

O comité de selección considerará para este criterio a valoración das actitudes e comportamento do alumnado.

A nota sairá de dúas partes:

- Entrevista persoal (ata 2 puntos).
- Informe do equipo docente do 1º Curso (ata 2 puntos)

Este informe elaborárase de acordo co establecido no Anexo I.





4. Outros (ata 4 puntos)

4.1 Aos estudantes con certificado de EOIs en idiomas extranxeiros (ata 3 puntos).

- B1: 1 puntos
- B2: 2 puntos
- C1 e C2: 3 puntos

4.2 Aos estudantes que participaran en programas de voluntariado debidamente acreditado (1 punto máximo).

No caso de empate nos méritos darase prioridade, pola seguinte orde:

1. Aos estudantes de contornas socioeconómicas menos favorecidas.
2. Aos estudantes que nunca participaran nas mobilidades do Programa Erasmus+.

En caso de empate, aplicaranse con carácter preferente e na mesma orde, os criterios anteriores, é dicir, a praza outorgaráselle en primeiro lugar ao/á solicitante con máis puntos no criterio "1". Se continuase o empate, no "2", e así sucesivamente.

****Excepción:**

No caso de que fora o propio solicitante quen buscou unha empresa adecuada para a súa estadía, terá preferencia absoluta, sempre e cando acade unha valoración positiva nos anteriores criterios de selección. Se hai varios solicitantes na mesma situación desempatarían coa puntuación global obtida na valoración dos criterios.

Sétima. Comisión de valoración

1. A selección das persoas candidatas será realizada por unha comisión avaliadora que estará integrada por:

– Presidente/a: a persoa que exerce a dirección do centro educativo ou persoa en quen delegue.

– Vogais:

A coordinadora de programas internacionais.

Dous membros do equipo directivo do centro.

Os titores dos ciclos formativos da convocatoria

– Secretario/a: o titor de menor idade, que actuará con voz e voto.

2. Se por calquera causa, no momento no que a comisión avaliadora teña que examinar as solicitudes, algunha das persoas compoñentes non puidese asistir, será substituída pola persoa que para o efecto se nomee. Este nomeamento deberá recaer noutra persoa docente do centro educativo.

Oitava. Obrigas do alumnado seleccionado

O alumnado seleccionado con bolsa disporá dun prazo de 3 días naturais dende a publicación para renunciar ou aceptar por escrito á participación no programa na seguinte dirección de correo electrónico:

proxectoseuropeos@zalaeta.gal





O alumnado que acepte a participación no programa terá que enviar á anterior dirección de correo electrónico no mesmo prazo de tempo: un compromiso de participación no programa (fianza de 50€ a ingresar na conta do instituto), unha foto carnet, Fotocopia DNI, Curriculum Europass (en inglés) e certificación bancaria (con IBAN) para futuros pagos.

O alumnado seleccionado estará obrigado a participar en cantas reunións sexan convocadas pola Coordinación de Programas Internacionais.

O incumprimento destas obrigas implicará a exclusión do programa.

Novena. Normativa aplicable

En calquera caso, a participación neste programa estará suxeita, por norma xeral, aos criterios e bases establecidos na convocatoria de subvencións de proxectos de mobilidade Erasmus+, así como ao establecido nos convenios subscritos polo IES Ramón Menéndez Pidal, a Consellería de Educación e o Servicio Español para a Internacionalización da Educación (SEPIE).

O desenvolvemento das diferentes mobilidades quedará supeditada á concesión da subvención por parte do SEPIE.

A Coruña, 12 de decembro de 2022

Helena Maseda Ferreiro

Estrella Pérez Freire

Coordinadora de Programas Internacionais

Directora

